

Na osnovu odredaba Zakona o sukobu interesa u Federaciji Bosne i Hercegovine ("Službene novine Federacije BiH, broj 70/08"), Direktor Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, donosi

**Pravilnik o sukobu interesa radnika Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe**

**Član 1.**

U cilju dosljedne primjene Zakona o sukobu interesa u Federaciji Bosni i Hercegovini, ovim pravilnikom se utvrđuje sukob interesa radnika Fonda, radnika koji su predsjednici i članovi radnih tijela Fonda koje imenuje direktor i Upravni odbor Fonda, otklanjanje sukoba interesa, način otklanjanja sukoba interesa, sukob interesa kod prijema radnika u radni odnos, prijem poklona radnika Fonda i druga pitanja značajna za otklanjanje sukoba interesa.

**Član 2.**

U smislu odredaba ovog pravilnika, odredbe o sukobu interesa odnose se na radnike Fonda, radnike koji su predsjednici i članovi radnih tijela Fonda koje imenuje direktor i Upravni odbor Fonda.

**Član 3.**

Lica iz člana 2 ovog pravilnika dužna su u toku obavljanja poslova iz nadležnosti radnih tijela da se dosljedno pridržavaju odredbi Zakona o sukobu interesa i ovog pravilnika, trebaju se ponašati savjesno, odgovorno, etično i biti lišeni privatnog (ličnog) interesa koji može da utiče na zakonitost, otvorenost, objektivnost i nepristrasnost u obavljanju poslova iz nadležnosti radnih tijela.

**Član 4.**

Radnici koji se imenuju u radna tijela, nakon dostave rješenja o imenovanju, potpisuju izjavu da su upoznati sa odredbama Zakona o sukobu interesa i ovog pravilnika, te da će u slučaju sukoba interesa o istom obavijestiti direktora Fonda, bez odlaganja.

**Član 5.**

U postupku javnih nabavki roba, usluga i radova po odredbama Zakona o javnim nabavkama, Predsjednik i članovi komisije za javne nabavke ne mogu biti po funkciji: direktor Fonda, predsjednik i članovi upravnog odbora Fonda, odgovorne osobe koje na bilo koji način donose odluke vezane za postupak javne nabavke ili iste odobravaju, kao i ostala lica ukoliko postoji imovinski ili lični interes sa ponuđačem.

Ukoliko predsjednik i članovi komisije iz prethodnog stava imaju imovinski, odnosno lični interes sa ponuđačem, dužni su da svaki interes prijave direktoru Fonda, prije donošenja odluke o izboru ponuđača, koji će se isključiti iz rada komisije. Komisija će nastaviti rad sa zamjenskim članom Komisije.

#### Član 6.

Komisija Fonda ne može pod povoljnijim uvjetima omogućiti zaposlenje srodnika radnika Fonda u odnosu na druga lica koja konkurišu za prijem u radni odnos.

Srodnikom u smislu ovog pravilnika smatraju se bliski srodnici, srodnici u pravoj liniji, srodnici u pobočnoj liniji do trećeg stepena, srodnik po tazbini do drugog stepena i dijete bračnog druga. Bliskim srodnikom u smislu odredaba ovog pravilnika smatraju se bračni ili vanbračni drug radnika, dijete, majka, otac, usvojitelj i usvojenik radnika.

Lice koje omogući zaposlenje bliskog srodnika radnika pod povoljnijim uslovima u odnosu na ostale kandidate čini sukob interesa.

#### Član 7.

Radnicima Fonda, zabranjeno je primanje poklona u vezi sa obavljanjem poslova radnog mjesta, izuzev poklona čija vrijednost ne prelazi iznos do 100,00 KM (stotinu KM).

Poklon iz prethodnog stava podrazumijeva novac, stvari, prava, usluge bez naknade, te neku drugu korist datu ili obećanu koju radnik Fonda nije platio prema tržišnoj cijeni.

Pokloni primljeni od strane članova porodice, odnosno bliskog srodnika, kao i pokloni čija vrijednost ne prelazi 100,00 KM (stotinu KM) nisu predmet sukoba interesa u smislu odredaba ovog pravilnika.

Poklon u vrijednosti do 100,00 KM (stotinu KM) radnici Fonda mogu zadržati i isti ne trebaju prijaviti.

Svaki poklon preko iznosa od 100,00 KM (stotinu KM), radnici Fonda dužni su prijaviti Direktor Fonda i isti postaju imovina Fonda.

#### Član 8.

Primanje poklona od strane radnika Fonda preko iznosa od 100,00 KM (stotinu KM) predstavlja sukob interesa.

#### Član 9.

Na sva pitanja sukoba interesa koja nisu regulisana odredbama ovog pravilnika, primjenjuju se i odredbe Zakona i podzakonskih akata u Federaciji BiH kojima se regulišu pitanja sukoba interesa.

#### Član 10.

Pravilnik stupa na snagu danom donošenja.

Sarajevo, 03.07.2018. god.

Broj: 01-03-02-1292/18

